



KENYATAAN MEDIA

KEMENTERIAN PERDAGANGAN DALAM NEGERI
DAN KOS SARA HIDUP

No. 13 Persiaran Perdana, Presint 2,
62623 Putrajaya

No. Telefon : 03-8882 5562

No. Fax : 03-8882 5569

PEMANTAUAN BERTERUSAN, KPDN KOMITED BAGI MEMASTIKAN KESTABILAN HARGA DAN BEKALAN MENJELANG DEEPAVALI 2023

KUANTAN, 10 NOVEMBER 2023 – Lanjutan sesi turun padang dan sesi pemantauan di sekitar Lembah Klang pada 9 November 2023, **Yang Berhormat Senator Puan Hajah Fuziah binti Salleh, Timbalan Menteri Perdagangan Dalam Negeri dan Kos Sara Hidup** meneruskan tinjauan ke kawasan pantai timur bagi meninjau pelaksanaan **Skim Harga Maksimum Musim Perayaan (SHMMP) Deepavali 2023** di Pasar Awam Kuantan dan Lotus's Indera Mahkota, Kuantan, Pahang.

2. Pemantauan berterusan ini bagi memastikan **lapan (8) jenis barangan** yang telah diputuskan oleh Kerajaan sebagai barangan kawalan sempena perayaan Deepavali dipatuhi oleh peniaga.

3. Pendekatan ini diambil atas keprihatinan **Kerajaan MADANI** untuk mengimbangi keperluan rakyat khususnya bagi mereka yang meraikan perayaan Deepavali tidak terjejas dan mampu membeli dengan harga yang berpatutan. Pada masa yang sama, bagi memastikan bekalan sentiasa mencukupi menjelang musim perayaan Deepavali.

4. Tempoh pelaksanaan **SHMMP Deepavali 2023 selama 7 hari** iaitu **3 hari sebelum perayaan, sehari semasa dan 3 hari selepas perayaan** adalah bersesuaian mengikut keadaan semasa bagi menjamin kestabilan harga kepada kedua-dua pihak sama ada diperingkat pengguna mahupun peniaga.

5. Seperti sedia maklum, **8 jenis barangan** yang dikawal di bawah Skim adalah, **bawang merah besar import, bawang merah kecil (india) tidak termasuk ros, cili merah, daging kambing biri-biri bertulang import, kacang dal (australia), kelapa biji (*harga maksimum di peringkat borong sahaja), kelapa parut (*harga maksimum di peringkat runcit sahaja), dan tomato.**

6. **SHMMP Deepavali 2023** akan dikuatkuasakan melalui **Akta Kawalan Harga dan Antipencatutan (AKHAP) 2011**. **Harga maksimum yang telah diwartakan bagi SHMMP Deepavali 2023 di peringkat pemborong dan peruncit** boleh disemak melalui laman web Kementerian Perdagangan Dalam Negeri dan Kos Sara Hidup di www.kpdn.gov.my.

7. Seramai **2,200 orang anggota Penguat Kuasa KPDN bersama-sama 900 Pegawai Pemantau Harga KPDN** di seluruh negara telah ditugaskan di lokasi-lokasi strategik seperti di pusat membeli-belah barangan keperluan perayaan. Strategi ini membolehkan pemantauan dilaksanakan dengan lebih berkesan di mana tindakan segera dapat diambil terhadap aduan pengguna dan tindakan penguatkuasaan ke atas peniaga sekiranya berlaku ketidakpatuhan.

8. Pengguna turut disarankan agar memanfaatkan sepenuhnya aplikasi mudah alih **Price Catcher** semasa berbelanja dan membuat perbandingan harga serta merancang perbelanjaan secara berhemah terutama di musim perayaan. Perbandingan harga ini bagi memastikan pengguna dapat membeli barangan keperluan dengan harga yang terendah.

9. **KPDN** juga ingin memberikan amaran kepada semua peniaga bahawa **tindakan tegas akan diambil terhadap peniaga yang gagal mematuhi peraturan-peraturan di bawah skim ini**. Mana-mana peniaga yang melakukan kesalahan akan diambil tindakan di bawah **Akta Kawalan Harga dan Antipencatutan 2011** dan boleh dikenakan penalti seperti berikut:

- (i) **Kesalahan menjual barangan harga terkawal melebihi harga maksimum:**
 - (a) **Individu;** boleh didenda oleh mahkamah sehingga **RM100,000** atau dipenjarakan tidak melebihi tiga tahun atau kedua-duanya atau dikompaun sehingga **RM50,000**; dan
 - (b) **Syarikat;** boleh didenda sehingga **RM500,000** atau dikompaun sehingga **RM250,000**;
- (ii) **Kesalahan gagal meletakkan tanda harga berwarna merah jambu bagi barangan harga terkawal:**
 - (a) **Individu;** boleh didenda oleh mahkamah sehingga **RM10,000** atau dikompaun sehingga **RM5,000**; dan
 - (b) **Syarikat;** boleh didenda sehingga **RM20,000** atau dikompaun sehingga **RM10,000**.

10. **KPDN** meminta kerjasama orang ramai untuk memaklumkan sebarang aduan melalui saluran berikut:

- I. WhatsApp 019-279 4317 / 019-848 8000;
- II. Portal e-Aduan KPDN iaitu <http://eaduan.kpdn.gov.my>;
- III. Call Centre 1-800-886-800;
- IV. E-mel e-aduan@kpdn.gov.my;
- V. Aplikasi Telefon Pintar Ez ADU KPDN;
- VI. Bilik Gerakan Penguatkuasaan 03-8882 6088 / 6245, dan;
- VII. **Kod QR Aduan Bekalan:**



**YB SENATOR PUAN HAJAH FUZIAH BINTI SALLEH,
TIMBALAN MENTERI PERDAGANGAN DALAM NEGERI
DAN KOS SARA HIDUP,
KUANTAN, 10 NOVEMBER 2023.**

###

LATAR BELAKANG

Kementerian Perdagangan Dalam Negeri dan Kos Sara Hidup (KPDN) telah ditubuhkan pada 27 Oktober 1990. Matlamat penubuhan Kementerian adalah untuk menggalakkan pembangunan perdagangan dalam Negeri yang berdaya maju, berdaya saing, dan berdaya mampan, khususnya di dalam sektor perdagangan pengedaran.

Sektor perdagangan pengedaran adalah antara penyumbang utama KDNK negara dan ia bertindak sebagai benteng kestabilan ekonomi, terutama semasa situasi ekonomi luaran berada di dalam keadaan ketidakpastian. Perdagangan pengedaran perlu kukuh bagi menampai sebarang ketidakstabilan dalam ekonomi negara.

Dalam masa yang sama, Kementerian juga komited dalam melindungi kepentingan dan hak-hak pengguna. Ini termasuk membangunkan ekosistem pengguna dan peniaga yang bersifat melengkap dan ke arah *self-regulated*, seiring dengan aspirasi ke arah masyarakat negara maju. Ia diharapkan akan melahirkan pengguna dan peniaga yang matang dan beretika dalam mengurusniaga, dan hasilnya adalah negara yang seimbang dari segi ekonomi dan sosial.

Agensi di bawah KPDN:

